



Áfanganúmer: FRAN1BF08 / SPÆN1SA08 / ÞÝSK1BF08

Prep: 1

Einingar: 8

Forkröfur: Engar

Lýsandi heiti: Grunnatriði í málfræði, málnotkun og menningu tungumálsins.

Áfangalýsing:

Um er að ræða byrjunarnám og er megináhersla lögð á að nemendur tileinki sér undirstöðuatriði tungumálsins. Frá upphafi fá nemendur þjálfun í færniþáttunum fjórum: tali, hlustun, ritun og lesskilningi. Áhersla er lögð á framburð, grunnatriði málnotkunar og uppbyggingu orðaforða tungumálsins. Nemendur kynnst menningu, siðum og staðháttum viðkomandi málsvæða. Í lok ársins eiga nemendur að hafa náð kunnáttu upp á stig A1 samkvæmt Evrópska tungumálarammanum.

Þekkingarviðmið

Nemandi skal hafa aflað sér almennar þekkingar og hafa skilning á:

- þeim orðaforða sem nauðsynlegur er til að ná leikni- og hæfnimarkmiðum áfangans.
- helstu grundvallarþáttum málkerfis viðkomandi tungumáls s.s. framburði, tónfalli og einfaldri setningaskipan
- mannlífi, menningu og siðum í löndum þar sem viðkomandi tungumál er talað sem móðurmál eða fyrsta mál og þekkja samskiptavenjur
- einföldum samskiptum og tjáningu í mæltu og rituðu máli

Leikniviðmið

Nemandi skal hafa öðlast leikni í að:

- skilja talað mál um kunnugleg efni þegar talað er hægt og skýrt, t.d. um persónulegar upplýsingar, einfaldar leiðbeiningar og fyrirmæli, einnig uppástungur og stuttar frásagnir, kveðjur og kurteisisávorp
- skilja einfalda texta sem innihalda algengan orðaforða sem tengist nemandanum, umhverfi hans, daglegum venjum og áhugamálum og vinna úr þeim á mismunandi hátt eftir því hver tilgangur með lestrinum er hverju sinni
- taka þátt í einföldum samræðum um efni sem hann þekkir eða hefur áhuga á, tjá sig á einfaldan hátt um tilfinningar og viðhorf og beita kurteisis- og málvenjum við hæfi
- segja á einfaldan hátt frá sjálfum sér, fjölskyldu sinni, athöfnum og atburðum daglegs lífs með því að beita orðaforða og framburði á sem réttastan hátt
- geta skrifað stuttan, einfaldan texta um sjálfan sig og sitt nánasta umhverfi, einföld persónuleg bréf og póstkort, skilaboð, boðskort, leiðarlýsingar og samtöl
- nýta sér ýmis hjálpargögn í tungumálanáminu

Hæfniviðmið

Nemandi skal geta hagnýtt þá almennu þekkingu og leikni sem hann hefur aflað sér til að:

- greina einfaldar upplýsingar í mæltu máli og skilja talað mál um kunnugleg efni

- beita mismunandi aðferðum til að skilja einfalda texta
- tjá sig munnlega við tiltekna aðstæður í samskiptum og beita viðeigandi mál- og samskiptavenjum
- segja frá persónulegum högum og miðla á einfaldan hátt eigin þekkingu, skoðunum og tilfinningum
- rita einfalda texta

Mat á hæfniviðmiðum
Sjá námsáætlun